

文

章

辨

體

文章辨體卷之十

海虞後學臣

詩

古詩一

四言

諷諫詩

漢韋孟

孟為楚元王傅至元王孫王戊荒淫不道作詩諷

諫云

肅肅我祖國自豕韋黼衣朱黻四牡龍旂彤弓斯征撫寧遐荒
總齊群邦以翼大商迭彼大彭勳績惟先至于有周歷世會同
王赧聽譖寔絕我邦我邦既絕厥政斯逸賞罰之行非由王室
庶尹群后靡扶靡衛五服崩離宗周以墜我祖斯微遷于彭城
在予小子勤咲厥生阨此嫚秦耒耜斯耕悠悠嫚秦上天不寧

乃眷南顧授漢于京於赫有漢四方是征靡適不懷萬國攸平
乃命厥弟建侯于楚俾我小臣惟傳是輔矜矜元王恭儉靜一
惠此黎民納彼輔弼享國漸世垂烈於後乃及吳王剋奉厥緒
咨命不來惟王統祀左右陪臣斯惟皇士如何我王不思守保
不惟履水以繼祖考邦事是廢逸游是娛犬馬悠悠是放是驅
務此鳥獸忽此稼苗烝民以匱我王以媮所弘匪德所親匪俊
唯囿是恢唯諛是信踰踰諂夫諤諤黃髮如何我王曾不是察
既藐下臣追欲縱逸媿彼顯祖輕此削黜嗟嗟我王漢之睦親
曾不夙夜以休令聞穆穆天子臨照下土明明羣司執憲靡顧
正遐由近殆其茲怙嗟嗟我王曷不斯思匪思匪監嗣其罔則
彌彌其逸岌岌其國致冰匪霜致墜匪慢瞻惟我王時靡不練
興國救顛孰違悔過追思黃髮秦繆以霸歲月其徂年其逮者
於赤君子庶顯于後我王如何曾不斯覽黃髮不近胡不時鑒

朔風詩

魏曹子建

仰彼朔風用懷魏都願騁代馬倏忽北徂凱風未至思彼蠻方
願隨越鳥翻飛南翔

四氣代謝懸景運周別如俯仰脫若三秋昔我初遷朱華未希
今我旋止素雪雲飛

俯降千仞仰登天阻風飄蓬飛載離寒暑千仞易陟天阻可越
昔我同袍今求乖別

子好芳草豈忘爾貽繁華將茂秋霜悴之君不垂眷豈云其誠
秋蘭可喻桂樹冬榮

絃歌蕩思誰與消憂臨川暮思何爲泛舟豈無和樂游非我鄰
誰忘泛舟愧無榜人

贈秀才入軍

嵇叔夜

良馬既閑麗服有暉左攬繁弱右接忘歸風馳電逝躡景追飛

凌厲中原顧盼生姿攜我好仇載我輕車南凌長阜北厲清渠
仰落驚鴻俯引淵魚盤于游田其樂只且○輕車迅邁息彼長
林春木載榮布葉垂陰習習谷風吹我素琴咬咬黃鳥顧疇弄
音感悟馳情思我所欽心之憂矣求嘯長吟○浩浩洪流帶我
邦畿萋萋綠林奮榮揚暉魚龍灑滄山鳥群飛駕言出遊日夕
忘歸思我良朋如渴如飢願言不獲愴矣其悲○息徒蘭圃秣
馬華山流磻平臯垂綸長川目送歸鴻手揮五絃俯仰自得游
心太玄嘉彼釣叟得魚忘筌郢人逝矣誰與盡言○開夜蕭清
朗月照軒微風動袿組帳高褰旨酒盈樽莫與交歡鳴琴在御
誰與鼓彈仰慕同趣其馨若蘭佳人不在能不永歎

勵志

晉張茂先

劉氏曰漢魏以下諸詩未有如此篇能以聖賢之
學自勵者且逝者如斯一語程子謂漢以來儒者

不識此義今茂先獨能及是豈淺學可得而擬焉
大儀幹運天回地游四氣鱗次寒暑環周星火既夕忽焉素秋
涼風振落熠燿宵流○雖有淑姿放心縱逸出般于游居多暇
日如彼梓材弗勤丹漆雖勞樸斲終負素質○養由矯矢獸號
干林蒲廬縈繳神感飛禽末伎之妙動物應心研精軌道安有
幽深○吉士思秋寔感物化日與月與荏苒代謝逝者如斯曾
無日夜嗟爾庶士胡年自舍○仁道不遐德輔如羽求焉斯至
衆鮮克舉大猷玄漠將抽厥緒先民有作貽我高矩○安心恬
蕩棲志浮雲體之以質處之以文如彼南畝力耒既勤蔗音菘
致功必有豐放○水積成川載瀾載清積土成山歆丞鬱真山
不讓塵川不辭盈勉爾含弘以隆德聲○高以下基洪由纖起
川廣自源成人在始累微以著乃物之理纏牽之長實累千里
○復禮終朝天下歸仁若金受礪若泥在鈞進德修業暉光日

新隰朋仰慕予亦有人

停雲 并序

陶淵明

停雲思親友也樽湛新醪園列初榮願言不從嘆

息彌襟

靄靄停雲濛濛時雨八表同昏平路伊阻靜寄東軒春醪獨撫
良朋悠邈搔首延佇○停雲靄靄時雨濛濛八表同昏平陸成
江有酒有酒閒飲東牕願言懷人舟車靡從○東園之對枝條
再榮競用新好以拓余情人亦有言日月于征安得促席說彼
平生○翩翩飛鳥息我庭柯歛翮閑止好聲相和豈無他人念
子寔多願言不獲抱恨如何

榮木 并序

榮木念將老也日月推遷已復有夏總角聞道白

首無成

采采榮木結根于茲晨耀其華夕已喪之人生若寄顛顛有時
靜言孔念中心悵而○采采榮木于茲託根繁華朝起慨暮不
存貞脆由人禍福無門匪道曷依匪善奚敦○嗟予小子稟茲
固陋徂年旣流業不增舊志彼不舍安此日富我之懷矣但焉
內疚○先師遺訓予豈云墜四十無聞斯不足畏貽我名車策
我良驥千里雖遙孰敢不至

時運

并非

時運游暮春也春服旣成景物斯和偶影獨游欣
慨交心

邁邁時運穆穆良朝襲我春服薄言東郊山滌餘靄宇曖微霄
有風自南翼彼新苗○洋洋平津乃漱乃濯邈邈遐景載欣載
矚稱心而言人亦易足揮茲一觴陶然自樂○延目中流悠恣
清沂童冠齊業聞詠以歸我愛其靜寤寐交揮但恨殊世邈不

可追○斯晨斯夕言息其廬花藥分列林竹翳如清琴橫床濁
酒半壺黃唐莫逮慨獨在余

元和聖德詩

唐韓愈

黃氏東發云詩中所謂牽頭曳足先斷腰膂揮刀
紛紛爭切膾脯等語異於文王是致是附氣象恐
於頌德之名不類或云退之欲使藩鎮聞此而知

懼耳

臣愈頓首再拜言曰臣伏見皇帝陛下即位以來誅流彘臣朝
廷清明無有欺蔽外斬楊惠琳劉闢以收夏蜀東定青徐積年
之叛海內怖駭不敢違越郊天告廟神靈歡喜風雨晦明無不
從順太平之期適當今日臣蒙被恩澤日與羣臣序立紫宸殿
下親望穆穆之光而其職業又在以經籍教導國子誠宜率先
作歌詩以稱導盛德不可以詞語淺薄不足以自效爲解輒依

古作四言元和聖德詩一篇凡千有二十四字指事實錄且載
明天子文武神聖以警動百姓耳目傳示無極其詩曰皇帝即
祚物無遠拒曰暘而暘曰雨而雨維是元年有盜在夏欲覆其
州以躡近武皇帝曰嘻豈不在我負鄙爲艱縱則不可出師征
之其衆十旅軍其城下告以福禍腹敗枝披不敢保聚擲首隄
外降幡夜豎疆外之險莫過蜀土韋臯去鎮劉闢守後血入于
牙不肯吐口開庫噲士曰隨所取汝張汝弓汝伐汝鼓汝爲表
書求我帥汝事始上聞在列咸怒皇帝曰然嗟遠士女苟附而
安則且付與讀命于庭出節少府朝發京師夕至其部闢喜謂
黨汝振而伍蜀可全有此不當受萬牛鬻炙萬甕行酒以錦纏
股以紅帕首有恠其克有餌其誘其出穰穰隊以萬數遂劫東
川遂據城阻皇帝曰嗟其又可許爰命崇文分卒禁禦有安其
驅無暴我野日行三十徐壁其右關黨聚謀鹿頭是守崇文奉

詔進退規矩戰不貪殺擒不濫數四方節度整兵頓馬上章乞
討俟命起坐皇帝曰嘉無汝煩苦荆并汴梁在國門戶出師三
千各選爾醜四軍齊作殷其如阜或拔其角或脫其距長驅洋
洋無有齟齬八月壬午闢奔城走載妻與妾包裹稚乳是日崇
文入處其宇分散逐捕搜原剔藪闕窮見窘無地自處俯視大
江不見州渚遂自顛倒若杵投臼取之江中枷脰械手婦女纍
纍啼哭拜叩來獻闕下以告廟社周示城市咸使觀覩解脫纒
索夾以砧斧婉婉弱子赤立偃僕牽頭曳足先斷腰脅次及其
徒體骸撐拄未乃取闕駭汗如寫揮刀紛紜爭刈膾脯優賞將
吏折珪綴組帛堆其家粟塞其庾哀憐陣歿廩給孤寡贈官封
墓周市宏溥經戰伐地寬免租簿施令酬功急疾如火天地中
間莫不順序幽恒青魏東盡海浦南至徐蔡區外雜虜怛威赧
德踧踖蹈舞掉弃兵革私習篋簞來請來覲十百其耦皇帝曰

吁伯父叔舅各安爾位訓厥眡晦正月元日初見宗祖躬執百
禮登降拜俯薦于新宮視瞻梁栢戚見容色淚落入俎侍祠之
臣助我惻楚乃以上辛於郊用牡際于國南鱗笱毛簋廬慕周
施開揭磊砢獸盾騰拏圓壇帖妥天兵四羅旂常婀娜駕龍十
二魚魚雅雅宵昇于兵奠璧獻竿衆樂驚作轟虺融冶紫焰噓
呵高靈下墮羣星從坐錯落侈哆日君月妃煥赤媿婉瀆鬼濛
鴻嶽祗嶭峨歛沃羶薌產祥降嘏鳳呈應奏舒翼自拊赤鱗黃
龍透陀結糾鄉士庶人黃童白叟踊躍歡呀失喜噫歐乾清坤
夷境落褰舉帝車廻來日正當午幸丹鳳門大赦天下滌濯刻
礪磨滅瑕垢續功臣嗣拔賢任耆孩養無告仁滂施厚皇帝神
聖通達古今聰聰視明一侶堯禹生知法式動得理所天錫皇
帝爲天下主并包畜養無異細鉅億載萬年敢有違者皇帝儉
勤盥濯陶瓦斤遣浮華好此綈紵勅戒四方侈則有咎天錫皇

帝多麥與黍無召水旱耗于雀鼠億載萬年有富無窶皇帝正
直別白善否擅命而狂旣剪旣去盡逐羣奸靡有遺侶天錫皇
帝厖臣碩輔博問遐觀以置左右億載萬年無敢于侮皇帝大
孝慈祥悌友怡怡愉愉奉太皇后決于族親濡及九有天錫皇
帝與天齊壽登茲太平無怠末久億載萬年爲父爲母博士臣
愈職是訓詁作爲歌詩以配吉甫

平淮夷雅

柳宗元

皇帝命丞相度董師集大功也

皇耆其武于澂于淮旣巾乃車環蔡其來狡衆昏嚚甚毒于醜
狂奔叫呶以于大刑○皇咨于度惟汝一德曠誅四紀其徯汝
克錫汝斧鉞其往視師師是蔡人以宥以釐○度拜稽首廟于
元龜旣禡旣類于社是宜金節煌煌錫盾雕戈犀甲熊旂威命
是荷○度拜稽首出次于東天子餞之壘竦是崇鼎臚俎載五

獻百籛凡百卿士班以周旋○統涉千崖乃冀乃前執國厥維
其佐多賢宛宛歷道于山于川遠揚邇昭陟降連連○我旆我
旂于道于陌訓于群帥恭身來格○日徐之無恃額額武和爾
容惟義之宅○進次于豳豳昏卒狂哀兇翰頑鋒蝟斧蟾赤子
匍匐厥父是元怒其萌芽以悖太陽○王旅渾渾是佚是怙既
獲敵師若飢得餽蔡兇伊窘悉起來聚左櫛其虛靡衍厥慮○
載闢載後丞相是臨弛其武刑諭我德心其危既安有長如林
曾是譴譏化爲謳吟○皇曰來歸汝復相予爵之成國昨以夏
墟度拜稽首天子聖神度拜稽首皇祐下人○淮夷既平震是
朔南宜廟宜郊以告德音歸牛休馬豐稼于野我武惟臬保
無疆

右皇武十有一章章八句

方城命剋守也卒入蔡得其大醜以平淮右

方城臨臨王卒峙之匪傲匪競皇有正命皇命于愬往舒余仁
時彼艱頑柔惠是馴○愬拜即命于皇之訓既礪既攻以後厥
刃王師疑疑熊羆是式術勇韜力日思于殲○寇昏以狂敢蹈
愬疆士獲厥心太祖高驤長戟酋矛祭其綬章右剪左屠聿禽
其良○其良既宥告以父母恩柔于肌卒貢爾有維彼攸恃乃
偵乃誘維彼攸宅乃發乃守○其恃爰獲我功我多陰謀厥圖
以究爾訛雨雪洋洋大風來加于燠其寒于邇其遐○汝陰之
茫縣瓠之岷是震是拔大殲厥家狡虜既縻輸于國都示之市
人即社行誅○乃諭乃止蔡有厚喜完其室家仰父俯子汝水
泐云既清而瀰蔡人行歌我步逶遲○蔡人歌矣蔡風和矣孰
類蔡初胡甦爾居式慕以康爲願有餘是究是咨皇德既舒○
皇曰咨愬裕乃父功皆我文祖惟西平是庸內誨于家外刑于
邦孰是蔡人而不率從○蔡人率止惟西平有子西平有子惟

我有臣疇允大邦俾惠我人于廟告功以顧萬方

右方城十有一章章八句

貞符 并序

負罪臣宗元惶恐言臣所貶州流人吳武陵為臣言董仲舒對
三代受命之符誠然非耶臣曰非也何獨仲舒爾自司馬相如
劉向楊雄班彪彪子固皆公龔嗤嗤推古瑞物以配受命其言
類滌巫瞽史詐亂後代不足以知聖人立極之本顯至德揚大
功盛失厥趣臣為尚書郎時嘗著貞符言唐家正德受命於生
人之意累積厚久宜享無極之義本末閔闕會貶逐中輟不充
備究武陵郎叩頭邀臣此大事不宜以辱故休缺使聖王之典
不立無以抑詭類拔正道表覈萬代臣不勝奮激即具為書念
終泯沒蠻夷不聞于時獨不為也苟一明大道施于人世死無
所憾用是自決臣宗元稽首拜手以聞曰孰稱古初朴蒙崆峒

而無爭厥流以訛越乃奮紋鬪怒振動專肆爲滌威曰是不知
道惟人之初總總而生林林而羣雪霜風雨雷電暴其外於是
乃知架巢空穴挽草木取皮革飢渴牝牡之欲毆其內於是乃
知噬禽獸咀果穀合偶而居交焉而爭睽焉而鬪力大者搏齒
利者齧爪剛者決羣衆者軋兵良者殺披披籍籍草野塗血然
後強有力者出而治之往往爲曹於險阻用號令起而君臣什
伍之法立德紹者嗣道怠者奪於是聖人焉曰黃帝遊其兵
車交貫乎其內一統類齊制量然猶大公之道不克建於是有
聖人焉曰堯置州牧四岳持而綱之立有德有功有能者參而
維之運臂率指屈伸把握莫不統率年老舉聖人而禪焉大公
乃克建由是觀之厥初罔匪極亂而後稍可爲也而非德不討
故仲尼叙書於堯曰克明俊德於舜曰濬哲文明於禹曰文命
祗承于帝於湯曰克寬克仁彰信兆民於武王曰有道曾孫稽

揆典誓貞者惟茲德實受命之符以真求祀後之妖淫昏好
恠之徒乃始陳大電大虹玄鳥巨迹白狼白魚流火之烏以爲
符斯皆詭譎闕誕甚可羞也而其知本于厥貞漢用大度克懷
于有氓登能庸賢濯瘳煦寒以瘳以熙茲其爲符也而其妄臣
乃下取虺蛇上引天光推類號休用夸誣於無知氓增以騶虞
神鼎脅毆縱叟俾東之泰山石閭作大號謂之封禪皆尚書所
無有莽述承效卒奮驚逆其後有賢帝曰光武克綏天下復承
舊物猶崇赤伏以玷厥德魏晉而下厖亂鈞裂厥符不貞邦用
不靖亦罔克久駁乎無以議爲也積大亂至于隋氏環四海以
爲鼎跨九垓以爲鑪囊以毒燎煽以虐焰其人沸湧灼爛號呼
騰蹈莫有救止於是太聖乃起丕降霖雨濬滌滌沃烝爲清氣
疏爲冷風人乃溲然休然相睇以生相持以成相彌以寧琢斲
磨剔膏流節離之禍不作而人乃克完平舒愉尸其肌膚以達

于夷途焚圻抵擗奔走轉死之害不起而人乃克鳩類集族歌
舞悅懌用祗于元德徒奮祖呼犒迎義旅謹動六合至于摩下
大盜豪據阻命遏德義威殄戮咸墜厥緒無劉于虐人乃並受
休嘉去隋氏克歸于唐躋躅謳歌灑灑和寧帝庸威栗惟人之
爲敬奠厥賦積藏于下是謂豐國鄉爲義廩歛發謹飭歲丁大
侵人以有年簡于厥刑不殘而懲是謂嚴威小屬而支大生而
孥愷悌祗敬用底于治凡其所欲不謁而獲凡其所惡不祈而
息四夷稽服不作兵革不竭貨力丕揚于後嗣用丕于帝式十
聖濟厥治孝仁平寬惟祖之則澤久而逾深仁增而益高人之
戴唐求米無窮是故受命不干于天于其人休符不干于祥于其仁
惟人之仁匪祥于天匪祥于天茲惟貞符哉未有喪仁而久者
也未有恃祥而壽者也商之王以桑穀昌以雉雒大宋之君以
洪星壽鄭以龍衰魯以麟弱白雉亾漢黃犀死莽惡在其爲符

也不勝唐德之代光紹明濟深鴻厖大保人斯無疆宜薦于
廟文之雅詩祇告于德之休帝曰謚哉乃黜休祥之奏寃貞符
之奧思德之所未大求仁之所未備以極于邦治以敬于人事
其詩曰

於穆敬德黎人皇之惟貞厥符浩浩將之仁函于膚刃莫畢屠
澤燠于爨鬻炎以幹殄厥凶德乃毆乃夷懿其休風是煦是吹
父子熙熙相寧以嬉賦徹而藏厚我糗糲刑輕以清我肌靡傷
貽我子孫百代是康十聖嗣于治仁后之子子思孝父易患于
已拱之戴之神具爾宜載揚于雅承天之嘏天之誠神宜鑒于
仁神之曷依宜仁之歸濮沿于北祝粟于南幅真西東祇一乃
心祀唐之紀後天罔墜祝皇之壽與地咸久曷徒祝之心誠篤
之神協人同道以告之俾彌億萬年不震不危我代之延永未
毗之仁增以崇曷不爾思有號于天僉曰嗚呼咨爾皇靈無替

厥符

菊榮 并序

蕭穎士

菊榮酬贈申志也久寓大邑賢宰宋侯惠而好予賦鳴蟬以况
別有懷相規備厥卒章予以報焉

采采者菊芬其榮斯紫英黃萼照灼丹墀愷悌君子佩服攸宜
王國是毗貽爾子孫百祿莖之

采采者菊于邑之城舊根新莖布葉壅英彼美淑人應家之禎
有絃既鳴我政則平宜爾棟崇必復其慶

采采者菊于邦之府陰槐翳柳邇近楹宇彼勞者于喧卑是處
慨其莫知蘊結誰語企彼高人色斯遐舉

采采者菊于賓之館既低其枝又弱其幹在匪君子是焉披翫
良辰旨酒宴飲無筭愴其此別終然永歎

歲方晏矣霜露殘促誰其榮斯有英者菊豈微春華懿此貞色

人之侮我混子薪棘詩人有言好是正直

右菊榮一篇五章

雲之祁祁答董傳

宋王介甫

劉氏曰荆公四言又有新田詩不及此篇之簡潔也

雲之祁祁或雨于淵苗之翹翹或稿于田雲之祁祁或雨于野有稿于田豈不自我奮兮其濟其在高郊匪我爲人我歌且謠蔚兮其復南山之側我歌且謠維以育德

孔林圖詩集賢待制周侯能修禮于孔林侍讀學士

商公圖之史官揭傒斯詩之

元揭曼碩

我我尼山蔽于魯邦篤生聖人維民之綱尼山之下有洙有泗有蔚孔林在泗之浹維彼聖人教之誘之凡厥有民則而傲之維彼聖人覆之載之凡厥有民敬而愛之既誦其言亦被其服

孰秣其馬于林之側既誦其言亦履其式孰秣其馬于林之下
六轡既同周侯之東薦之侑之聖人之宮其音洋洋其趨踴踴
其臨皇皇聖人允臧商氏圖之式昭其敬載瞻載思罔不由聖
之子于征美胃監陳生也陳生歸省其母奉養于京
師故勗其行以慰其母心焉
洪武胡仲申

之子于征有楚者衣翼彼北風翩其以歸豈忘在公爰恤爾私
惟皇有命來慰母思○之子于征言汎其艦明發于越夕濟爾
吳薄登于畿安車載驅惟

皇有命將毋來居○之子有母令儀有必養則有祿
皇斯爾錫曷以報之顧懷罔極竭爾臣節廼殫子職

文章辨體卷之十一

海虞後學吳訥編集

古詩二

五言一

古詩十九首

劉氏曰詩以古名不知作者為誰或云枚乘而梁昭明既以編諸蘇李之上李善謂其詞兼東都非盡為乘詩故蒼山魯原演義特列之張衡四愁之下夫五言起蘇李之說自唐人始然陳徐陵謂十九首本非一人之詞今姑依昭明編次云

行行重行行。與君生別離。相去萬餘里。各在天一涯。道路阻且長。會面安可知。胡馬依北風。越鳥巢南枝。相去日已遠。衣帶日已緩。浮雲蔽白日。遊子不顧返。思君令人老。歲月忽已晚。弃捐

勿復道。努力加餐飯。

青青河畔草。鬱鬱園中柳。盈盈樓上女。皎皎當牕牖。娥娥紅粉粧。纖纖出素手。昔爲倡家女。今爲蕩子婦。蕩子行不歸。空牀難獨守。

青青陵上栢。磊磊澗中石。人生天地間。忽如遠行客。斗酒相娛樂。聊厚不爲薄。驅車策駑馬。游戲宛與洛。洛中何鬱鬱。冠帶自相索。長衢羅夾巷。王侯多第宅。兩宮遙相望。雙闕百餘尺。極宴娛心意。戚戚何所迫。

今日良宴會。歡樂難具陳。彈箏奮逸響。新聲妙入神。令德唱高言。識曲聽其真。齊心同所願。含意俱未伸。人生寄一世。奄忽若飈塵。何不策高足。先據要路津。無爲守窮賤。轍軻長苦辛。

西北有高樓。上與浮雲齊。文綺結綺窓。阿閣三重階。上有絃歌聲。音響一何悲。誰能爲此曲。無乃杞梁妻。清商隨風發。中曲正

徘徊一彈再三嘆慷慨有餘哀不惜歌者苦但傷知音稀願爲
雙鳴鶴奮翅起高飛

涉江采芙蓉蘭澤多芳草采之欲遺誰所思在遠道還顧望舊
鄉長路漫浩浩同心而離居憂傷以終老

明月皎夜光促織鳴東壁王衡指孟冬衆星何歷歷白露霑野
草時節忽復易秋蟬鳴樹間玄鳥逝安適昔我同門友高舉振
六翮不念携手好棄我如遺跡南箕北有斗牽女不負輒良無
磐石固虛名復何益

冉冉孤生竹結根泰山阿與君爲新婚兔絲附女蘿兔絲生有
時夫婦會有宜千里遠結婚悠悠隔山陂思君令人老軒車來
何遲傷彼蕙蘭花含英揚光輝過時而不采將隨秋草萎君亮
執高節賤妾亦何爲

庭中有奇樹綠葉發華滋攀條折其榮將以遺所思馨香盈懷

袖路遠莫致之此物何足貴但感別經時

迢迢牽牛星皎皎河漢女纖纖擢素手札札弄機杼終日不成章泣涕零如雨河漢清且淺相去復幾許盈盈一水間脉脉不得語

廻車駕言邁悠悠涉長道四顧何茫茫東風搖百草所遇無故物焉得不速老盛衰各有時立身苦不早人生非金石豈能長壽考奄忽隨物化榮名以爲寶

東城高且長逶迤自相屬回風動地起秋草萋已綠四時更變化歲暮一何速晨風懷苦心蟋蟀傷局促蕩滌放情志何爲自結束燕趙多佳人美者顏如玉被服羅裳衣當戶理清幽昔響一何悲絃急知柱促馳情整巾帶沉吟聊躑躅思爲雙飛燕銜泥巢君屋

驅車上東門遙望郭北墓白楊何蕭蕭松柏夾廣路下有陳死

人杳杳即長暮。潛寐黃泉下。千載永不寤。浩浩陰陽移。年命如朝露。人生忽如寄。壽無金石固。萬歲更相送。賢聖莫能度。服食求神仙。多爲藥所誤。不如飲美酒。被服紈與素。

去者日以踈。來者日以親。出郭門直視。但見丘與墳。古墓犁爲田。松柏摧爲薪。白楊多悲風。蕭蕭愁殺人。思還故里閭。欲歸道無因。

生年不滿百。常懷千歲憂。晝短苦夜長。何不秉燭遊。爲樂當及時。何能待來茲。愚者愛惜費。但爲塵世嗤。仙人王子喬。難可與等期。

飄飄歲云暮。螻蛄夕鳴悲。涼風率已厲。遊子寒無衣。錦衾遺洛浦。同袍與我違。獨宿累長夜。夢想見容輝。良人惟古歡。枉駕惠前綏。願得常巧笑。携手同華歸。既來不須臾。又不處重闈。亮無晨風翼。焉能凌風飛。眇眇以適意。引領遙相睎。徒倚懷感傷。垂

涕沾雙扉

孟冬寒風至北風何慘慄愁多知夜長仰觀衆星列三五明月
滿四五蟾兔缺客從遠方來遺我一書札上言長相思下言久
離別置書懷袖中三歲字不滅一心抱區區懼君不識察
客從遠方來遺我一端綺相去萬餘里故人心尚爾文彩雙鴛
鴦裁爲合歡被著以長相思緣以結不解以膠投漆中誰能別
離此

明月何皎皎照我羅牀惟憂愁不能寐攬衣起徘徊客行雖云
樂不如早旋歸出戶獨彷徨愁思當告誰引領還入房淚下沾
裳衣

詩

漢蘇子卿

子卿名武杜陵人武帝天漢元年以中郎將使匈奴
奴被留不屈節徙之北海土使牧羝凡十九年昭

帝時歸拜典屬國年八十餘卒圖形麒麟閣劉氏
謂第一詩出使時別昆弟作第二詩別妻作第三
詩在匈奴得歸別李陵作第四詩遠遊別朋友作
五典之義藹然可見

骨肉綠枝葉結交亦相因四海皆兄弟誰爲行路人况我連枝
樹與子同一身昔爲鴛與鴦今爲參與辰昔者常相近邈若胡
與秦惟念當離別思情日以新鹿鳴思野草可以喻嘉賓我有
一尊酒欲以贈遠人願子留斟酌叙此平生親

結髮爲夫妻恩愛兩不疑歡娛在今夕燕婉及良時征夫
路起視夜何其參辰皆已沒去去從此辭行役在戰場何
有期握手一長嘆淚爲生別滋努力愛春華莫忘安樂時生當
復來歸死當長相思

黃鵠一遠別千里顧徘徊胡馬失其群思心常依依何况雙飛

龍羽翼臨當乖幸有絃歌曲可以喻中懷請爲遊子吟泠泠一
何悲絲竹厲清聲慷慨有餘哀長歌正激烈中心愴以摧欲展
清商曲念子不得歸俛仰內傷心淚下不可揮願爲雙黃鵠送
子俱遠飛

燭燭晨明月馥馥秋蘭芳芬馨長夜發隨風聞我堂征夫懷遠
路遊子戀故鄉寒冬十二月晨起踐嚴霜俯觀江漢流仰視浮
雲翔良友遠別離各在天一方山海隔中州相去悠且長嘉會
難再遇歡樂殊未央願言崇令德隨時愛景光

與蘇武

李少卿

良時不再至離別在須臾屏營衢路側執手野踟躕
馳奄忽互相踰風波一失所各在天一隅長當從此別且復立
斯須欲因晨風發送子以賤軀

攜手上河梁遊子暮何之徘徊蹊路側恨恨不能辭行人難久

留各言長相思安知非日月弦望自有時努力崇明德皓首以爲期

嘉會難再遇三載爲千秋臨河濯長纓念子恨悠悠遠望悲風至對酒不能酬行人懷徃路何以慰我愁獨有盈觴酒與子結綢繆

雜詩

魏文帝

李善曰不拘流例遇物即言故云雜也

漫漫秋夜長烈烈北風涼展轉不能寐披衣起彷徨彷徨忽已久白露沾我裳俯視清水波仰看明月光天漢回西流三五正縱橫草蟲鳴何悲孤鴈獨南翔鬱鬱多悲思綿綿思故鄉願飛安得翼欲濟河無梁向風長歎息斷絕我中腸

西北有浮雲亭亭如車蓋惜哉時不遇適與飄風會吹我東南行行行至吳會吳會非我鄉安能久留滯棄置勿復陳客子常

畏人

雜詩

曹子建

高臺多悲風，朝日照北林。之子在萬里，江湖迥且深。方舟安可極，離思故難任。孤鴈飛南游，過庭長哀吟。翹思慕遠人，願欲託遺音。形影忽不見，翩翩傷我心。

轉蓬離本根，飄颻隨長風。何意回飈舉，吹我入雲中。高高上無極，天路安可窮。類此游客子，捐軀遠從戎。毛褐不掩形，薇蕨常不充。去去莫復道，沉憂令人老。

西北有織婦，綺縞何續紛。明晨秉機杼，日昃不成文。太息終長夜，悲嘯入青雲。妾身守空閨，良人行從軍。自期三年歸，今已歷九春。飛鳥遶樹翔，嗷嗷鳴索羣。願爲南流景，馳光見我君。

南國有佳人，容華若桃李。朝游江北岼，日夕宿湘止。時俗薄朱顏，誰爲發皓齒。俛仰歲將暮，榮耀難久恃。

僕夫早嚴駕吾將遠行遊遠遊欲何之吳國爲我仇將騁萬里
塗東路安足由江介多非心風淮西馳急流願欲一輕濟惜哉無
方舟閒居非吾志甘心赴國憂

飛觀百餘尺臨牖御櫺軒遠望周千里朝夕見平原烈士多悲
心小人媮自閑國雖亮不塞甘心思喪元拊劔西南望思欲赴
太山絃急悲聲發聆我慷慨言

贈白馬王處

謁帝承明廬逝將歸舊疆清晨發皇邑日夕過首陽伊洛廣且
深欲濟川無梁汎舟越洪濤怨彼東路長顧瞻戀城闕引領情
內傷

大谷何寥廓山對鬱蒼蒼霖雨泥我塗流潦浩縱橫中達絕無
軌改轍登高岡修坂造雲日我馬玄以黃

玄黃猶能進我思鬱以紆鬱紆將何念親愛在離居本圖相與

偕中更不克俱鳴梟鳴衡軛豺狼當路衢蒼蠅間白黑讒巧冷
親疎欲還絕無蹊攬纜正踟蹰

踟蹰亦何留相思無終極秋風發微涼寒蟬鳴我側原野何蕭
條白日忽西匿歸鳥赴喬林翩翩勵羽翼孤獸走索群衙草不
遑食感物傷我懷撫心長太息

太息將何爲天命與我違奈何念同生一往形不歸孤魂翔故
域靈柩寄京師存者忽已過亡歿身自衰人生處一世去若朝
露晞年在桑榆間影響不能追自顧非金石咄嗟令心悲

心悲動我神弃置莫復陳丈夫志四海萬里猶比鄰恩愛苟不
虧在遠分日親何必同衾幃然後展殷勤憂思成疾疢無乃兒
女仁倉卒骨肉情能不懷苦辛

苦辛何慮思天命信可疑虛無求列仙松子久吾欺變故在頃
更百年誰能持離別永無會執手將何時王其愛玉體俱享黃

髮期收淚即長路援筆從此辭

贈徐幹

驚風飄白日忽然歸西山
圓景光未滿衆星粲以繁
志士榮世業小人亦不閒
聊且夜行遊遊彼雙闕間
文昌鬱雲興迎風高中天
春鳩鳴飛棟沅焱激樞軒
顧念蓬室士貧賤誠足憐
薇藿弗充虛皮褐猶不全
慷慨有悲心興文自成篇
寶棄怨何人氏有其愆
彈冠侯知已知已誰不然
良田無晚歲膏澤多豐年
亮懷璣璠美積久德愈宣
親交義在敦申章復何言

贈丁儀

初秋涼氣發庭葑微銷落
凝霜依玉除清風飄飛閣
朝雲不歸山霖雨成川澤
黍稷委疇隴農夫安所獲
在貴多忘賤爲恩誰能博
狐白足禦冬安念無衣客
思慕延陵子寶劍非所惜
子其寧爾心親交義不薄

贈王粲

端坐苦愁思攬衣起西遊樹木發春華清池激長流中有孤鶩
鴛哀鳴求匹儔我願執此鳥惜哉無輕舟欲歸忘故道顧望但
懷愁悲風鳴我側幾和逝不留重陰潤萬物何懼澤不周誰令
君多念自使懷百憂

三良詩

按春秋左氏傳秦穆公卒以子車氏之三子奄息
仲行鍼虎爲殉皆秦之良也國人哀之爲賦黃鳥
之詩後人亦因而詠歌焉

功名不可爲忠義我所安秦穆先下世三臣皆自殘生時等榮
樂旣沒同憂患誰言捐軀易殺身誠獨難攬涕登君墓臨穴仰
天歎長夜何冥冥一往不復還黃鳥爲悲鳴哀哉傷肺肝

雜詩

王仲宣

日暮遊西園冀寫憂思情曲池揚素波列對敷丹榮上有特栖
鳥懷春向我鳴褰袵欲從之路險不得征徘徊不能去佇立望
爾形風颺揚塵起白日忽已冥回身入空房託夢通精誠又欲
天不違何懼不合并

詠史

自古無殉死達人所共知秦穆殺三良惜哉空爾為結髮事明
君受恩良不訾臨沒要之死焉得不相隨妻子當門泣兄弟哭
路壅臨穴呼蒼天涕下如縷縻人生各有志終不爲此移同知
埋身劇心亦有所施生爲百夫雄死爲壯士規黃鳥作哀詩至
今聲不虧

贈從弟

劉公幹

汎汎東流水磷磷水中石蘋藻生其涯華葉紛擾溺采之薦宗
廟可以羞嘉客豈無園中葵懿此生深澤

亭亭山上松瑟瑟谷中風風聲一何盛松枝一何勁冰霜正慘
悽終歲常端正豈不罹疑寒松栢有本性

鳳凰集南嶽徘徊孤竹根於心有不厭奮翅凌紫氛豈不常勤
苦羞與黃雀群何時當來儀將須聖明君

詠懷詩

晉阮嗣宗

按晉書籍作詠懷詩八十餘篇文選所錄者不多
李善曰嗣宗身仕亂朝常恐懼謗遇禍故詩有憂
生之差雖志在刺譏而文多隱避百代之下難以
情測也

夜中不能寐起坐彈鳴琴薄帷鑿明月清風吹我衿孤鴻號外
野翔鳥鳴北林徘徊將何見憂思獨傷心

嘉對下成蹊東園桃與李秋風吹飛藿零落從此始繁華有
憔悴堂上生荆杞驅馬舍之去去上西山耻一身不自保何況戀

妾子凝霜被草野歲暮亦云已

天馬出西郭由來從東道春秋非有託富貴焉常保清露被臯
蘭凝霜露野草朝爲媚少年夕暮成醜老自非王子晉誰能常
美好

平生少年時輕薄好絃歌西遊咸陽中趙李相經過娛樂未終
極白日忽蹉跎驅馬復來歸及顧望三河黃金百鎰盡資用常
苦多北臨太行道失路將如何

昔聞東陵瓜近在東門外連畛距阡陌子毋相鉤帶五色曜朝
日嘉賓四面會膏火自煎熬多財爲患害布衣可終身寵祿豈
足賴

炎暑惟茲夏三旬將欲移芳對巫綠葉清雲自逶迤四時更代
謝日月逝差馳徘徊空堂上切怛莫我知願覩卒歡好不見悲

別離

灼灼西墮日餘光照我衣
迴風吹四壁寒鳥相因依
周周尚銜羽蛩蛩亦念飢
如何當路子磬折忘所歸
豈爲夸譽名憔悴使
心悲寧與燕雀翔不隨黃
鵠飛黃鵠遊四海中路將
安歸
步出上東門北望首陽岑
下有采薇士上有嘉對林
良辰在何許凝霜霑衣襟
寒風振山岡玄雲起重陰
鳴鴈飛南征鷓鴣發哀音
素質游商聲悽愴傷我心

湛湛長江水上有楓對林
臯蘭被徑路青驪逝駸駸
遠望令人悲春氣感我心
三楚多秀士朝雲進荒淫
朱華振芬芳高蔡相追尋
一爲黃雀哀涕下誰能禁

懸車在西南羲和將欲傾
流光耀四海忽忽至夕冥
朝爲咸池暉濛汜受其榮
豈知窮達士一死不再生
視彼桃李花誰能久熒熒
君子在何許歎息未合并
瞻仰景山松可以慰吾情

雜詩

張茂先

晷度隨天運四時互相承東壁正昏中固陰寒節升繁霜降當
夕悲風中夜興朱火青無光蘭膏坐自凝重衾無暖氣挾纈如
懷冰伏枕終遙昔寤寐莫予應未思慮崇替慨然獨拊膺

答何劭

吏道何其迫窘然坐自拘纓綬爲微經文憲焉可踰恬廣苦不
足煩促每有餘良朋貽新詩示我以遊娛穆如灑清風吳若春
華敷自昔同寮案於今比園廬衰疾近辱殆庶幾並懸輿散髮
重陰下抱杖臨清渠屬耳聽鶯鳴流目翫儵魚從容養餘日取
樂於桑榆

贈張華

何敬祖

四時更代謝懸象迭卷舒暮春忽復來和風與節俱俯臨清泉
涌仰觀嘉木敷周旋我陋圃西瞻廣武廬既貴不怠儉處有能
其無鎮俗在簡約對塞焉足摹在昔同班司今者並園墟私願

借黃髮逍遙綜琴書舉爵茂陰下携手共躊躇奚用遺形骸忘
筌在得魚

雜詩

傅休奕

志士昔日短愁人知夜長攝衣步前庭仰觀南鴈翔玄景隨形
運流響歸空房清風何飄飄微月出西方繁星依青天列宿自
成行蟬鳴高樹間野鳥號東廂纖雲時鬢鬢溼露霑我裳良時
無停景北斗忽低昂常恐寒節至疑氣結為霜落葉隨風摧一
絕如流光

雜詩

王正長

朔風動秋草邊馬有歸心胡寧久分析靡靡忽至今王事離我
志殊隔過商參昔往鷓鴣鳴今來蟋蟀吟人情懷舊鄉客鳥思
故林師涓久不奏誰能宣我心

征西官屬送於陟陽侯作

孫子荆

晨風飄岐路。零雨被秋草。傾城遠追送。餞我千里道。三命皆有極。咄嗟安可保。莫大於殤子。彭聃猶爲夭。吉凶如糾纏。憂喜相紛擾。天地爲我鑑。萬物一何小。達人垂大觀。誠此苦不早。乖離卽長衢。惆悵盈懷抱。孰能察其心。鑒之以蒼昊。齊契在今朝。守之與偕老。

詠史

左太冲

弱冠弄柔翰。卓犖觀羣書。著論准過秦。作賦擬子虛。邊城苦鳴鏑。羽檄飛京都。雖非甲冑士。疇昔覽穰苴。長蕭激清風。志若無東吳。鉞刃貴一割。夢想騁良圖。左眄澄江湘。右盼定羌胡。功成不受爵。長揖歸田廬。

鬱鬱澗底松。離離山上苗。以彼徑寸莖。蔭此百尺條。世胄躡高位。英俊沉下僚。地勢使之然。由來非一朝。金張藉舊業。七葉珥漢貂。馮公豈不偉。白首不見招。

吾希段干木。偃息潘魏君。吾慕魯仲連。談笑却秦軍。當世貴不
羈。遭難能解紛。功成耻受賞。高節卓不群。臨組不肯緹。對珪寧
肯分。連璽耀前庭。比之猶浮雲。

濟濟涼城內。赫赫王侯居。冠蓋蔭四術。朱輪竟長衢。朝集金張
館。暮宿許史廬。南鄰擊鐘磬。北里吹笙竽。寂寂揚子宅。門無御
相輿。寥寥空宇內。所講在玄虛。言論准宣尼。詞賦擬相如。悠悠
百世後。英名擅八區。

皓天舒白日。靈景耀神州。列宅紫宮裏。飛宇若雲浮。峩峩高門
內。謁謁皆王侯。自非攀龍客。何爲歛來遊。被褐出閭闔。高步追
許由。振衣千仞岡。濯足萬里流。

荆軻飲燕市。酒酣氣益震。哀歌和漸離。謂若傍無人。雖無壯士
節。與世亦殊倫。高盼邈四海。豪右何足陳。貴者雖自貴。視之若
埃塵。賤者雖自賤。重之若千鈞。

習習籠中鳥舉翮觸四隅落落窮巷士抱影空廬出門無通
路枳棘塞中塗計策弃不收塊若枯池魚外望無寸祿內顧無
斗儲親戚還相蔑朋友日夜疎蘇秦北遊說李斯西上書俛仰
生榮華嗚嗟復凋枯飲河期滿腹貴足不願餘巢林栖一枝可
爲達士模

招隱

按淮南小山招隱士篇謂深山窮谷非所宜處而
欲招其來歸今晉人乃以招尋爲義欲就與之俱
隱其不同者如此

杖策招隱士。荒塗橫古今。巖穴無結構。丘中有鳴琴。白雪停陰
岡。丹葩耀陽林。石泉激瓊瑤。織鱗或浮沉。非必絲與竹。山水有
清音。何事待嘯歌。灌木自悲吟。秋菊兼饑糧。幽蘭間重襟。躊躇
足力煩。聊欲投吾簪。

詠史

張孟陽

昔在西京時朝野多歡娛
藹藹東都門群公祖二疎
朱軒耀金城供帳臨長衢
達人知止足遺榮忽如無
抽簪解朝衣散髮歸
海隅行人爲隕涕賢哉此大夫
揮金樂當年歲暮不留儲
顧謂四座賓多財爲累愚
清風激萬代名與天壤俱
咄此蟬冕客君紳宜見書

招隱

陸士衡

明發心不爽振衣聊躑躅
躑躅欲安之幽人在浚谷
朝採南澗藻夕息西山足
輕條象雲構密葉成翠幄
結風佇蘭林回芳薄秀木
山溜何泠泠飛泉激鳴王
哀音附靈波頽響赴會曲
至樂非有假安事澆淳樸
富貴苟難圖稅駕從所欲

贈從兄車騎

孤獸思故藪離鳥悲舊林
翩翩遊宦子辛苦誰爲必
髣髴谷水

陽婉變岷山陰管魄懷茲土精爽若飛沉寤寐靡安豫願言思
所欽感彼歸塗艱使我怨慕深安得忘歸草言對背與襟斯言
豈虛作思鳥有悲音

答張士然

陸士龍

行邁越長川飄颻冒風塵通波激枉渚悲風薄丘榛脩路無窮
跡并邑自相循百城各異俗千室非良鄰歡舊難假合風土豈
虛親感念桑梓域髣髴眼中人靡靡日夜遠眷眷懷苦辛

在懷縣作

潘安仁

南陸迎修景朱明送末垂初伏啓新節隆暑方赫曦朝想慶雲
興夕遲白日移揮汗辭中宇登城臨清池涼飈自遠集輕襟隨
風吹靈圃耀華果通衢列高椅瓜瓞蔓長苞薑芋紛廣畦稻栽
肅芊芊黍苗阿離離虛薄乏時用位微名日卑驅役宰兩邑政
績竟無施自我違京輦四載迄于斯器非廊廟姿屢出固其宜

徒懷越鳥志眷戀想南枝

感舊詩

曹頰遠

富貴他人合貧賤親戚離廉蔭門易軌田實相奪移晨風集茂
林棲鳥去枯枝今我唯困蒙群士皆背馳鄉人敦懿義濟濟陰
光儀對賓頌有客舉觴詠露斯臨樂何所歎素絲與路岐

迎大駕

潘正叔

南山鬱岑峯洛川迅且急青松蔭脩嶺綠繁被廣隰朝日順長
塗夕暮無所集歸雲乘輿浮淒風尋惟入道逢深識士舉手對
吾揖世故尚未夷嶠函方峻澁狐狸夾兩轅豺狼當路立翔鳳
嬰籠檻騏驥見維繫俎豆昔嘗聞軍旅素未習且少停君駕徐
待干戈戢

重贈盧諶

劉越石

握中有玄璧本自荆山瑒惟彼太公望昔在渭濱叟鄧生何感

激千里來相求自登幸曲逆鴻門賴留侯重耳任五賢
射鈞苟能降二伯安問黨與讎中夜撫枕歎想與數子遊
吾衰久矣夫何其不夢周誰云聖達節知命故不憂宣尼
悲獲麟西狩涕孔丘功業未及建夕陽忽西流時哉不我與
去乎若雲浮朱寶墮勁風繁英落素秋狹路傾華蓋駭駟摧
雙輶何意百鍊剛化為繞指柔

時興

盧子諒

疊疊圓象運悠悠方儀廓忽忽歲云暮遊原采蕭藿北逾邛
與河南臨伊與洛凝霜霑蔓草悲風振林薄撼撼芳葉零
藥藥芬華落下泉激冽清曠野增遼索登高眺遐荒極望無
嵯嶸形變隨時化神感因物作澹乎至人心恬然守玄漠

遊仙詩

郭景純

翡翠戲蘭若容色更相鮮綠蘿結高林象龍蓋一山中有真寂

士靜嘯撫清弦放情凌霄外嚼藥挹飛泉赤松臨上遊駕鴻乘
紫煙左挹浮丘袂右拍洪崖有借問蜉蝣輩寧知龜鶴年

六龍安可頓運流有代謝時變感人思已秋復願夏淮海變微
禽吾生獨不化雖欲騰丹谿雲螭非我駕愧無曾陽德廻日向

三舍臨川哀年邁撫心獨悲吒

逸翮思拂霄迅足羨遠遊清源無增瀾安得運吞舟珪璋雖特
達明月難闇投潛穎怨青陽陵蒼哀素秋悲來惻丹心零滄綠

纓流

游西池

謝叔源

悟彼蟋蟀唱信此勞者歌有來豈不疾良遊戒蹉跎逍遙越城
肆願言屢經過迴阨被陵闕高臺眺飛霞惠風蕩繁囿白雲屯
曾阿景異鳴禽集水木湛清華褰裳順蘭沚徙倚引芳柯美人
行歲月遲暮獨如何無爲辜所思南榮識其多

歸田園居

陶淵明

少無適俗韻。性本愛丘山。誤落塵網中。一去三十年。羈鳥變舊
林。池魚思故淵。開荒南野際。守拙歸園田。方宅十餘畝。草屋八
九間。榆柳蔭後園。桃李羅堂前。曖曖遠人村。依依墟里煙。狗吠
深巷中。鷄鳴桑樹顛。戶庭無塵雜。虛室有餘閒。久在樊籠裏。復
得返自然。

野外罕人事。窮巷寡輪鞅。白日掩荆扉。虛室絕塵想。時復墟曲
中。披草共來往。相見無雜言。但道桑麻長。桑麻日已長。我志日
已厲。常恐霜霰至。零落同草莽。

種豆南山下。草盛豆苗稀。晨興理荒穢。帶月荷鋤歸。道狹草木
長。夕露沾我衣。衣沾不足惜。但使願無違。

移居

昔欲居南村。非爲卜其宅。聞多素心人。樂與數晨夕。懷此頗有

年今日從茲役。斲廬何必廣。取足蔽牀席。鄰曲時時來。抗言談
在昔。奇文共欣賞。疑義相與析。

春秋多佳日。登高賦新詩。過門更相呼。有酒斟酌之。農務各自
歸。閒暇輒相思。相思則披衣。言笑無厭時。此理將不勝。無爲忽
去茲。衣食當須紀。力耕吾不欺。

和劉柴桑

山人久見招。胡事乃躊躇。直爲親舊故。未忍言索居。良辰入奇
懷。挈杖還西廬。荒塗無歸人。時時見廢墟。茅茨已就治。新疇復
應畲。谷風轉淒薄。春醵解飢劬。弱女雖非男。慰情良勝無。栖栖
世中事。歲月共相疎。耕織稱其用。過此奚所須。去去百年外。身
名同翳如。

和郭主簿

藹藹堂前林。中夏貯清陰。凱風因時來。回飈吹我襟。息交游閒

業臥起弄書琴園蔬有餘滋舊穀猶儲今營已良有極過足非
所欽春秋作美酒酒熟吾自斟弱子戲我側學語未成音此事
真復樂聊用忘華筵遙遙望白雲懷古一何深

贈羊長史

愚生三季後慨然念黃虞得知千載外正賴古人書聖賢留餘
跡事事在中都豈忘游心目關河不可踰九域甫已一逝將理
舟輿聞君當先邁負痾不獲俱路若經商山爲我少躊躇多謝
綺與角精爽今何如紫芝誰復採深谷久應蕪駟馬無貫患貧
賤有交娛清謠結心曲人乘運見疎擁懷累代下言盡意不舒

始作鎮軍叅軍經曲阿

弱齡守事外委懷在琴書被褐欣自得屢空常晏如時來苟冥
會宛鬱懣通衢投策命晨裝蹇與園田疎渺渺孤舟逝綿綿歸
思紆我行豈不遙登降千里餘目倦川塗異心念山澤居望雲

慚高鳥臨水愧游魚。真想初在襟。誰謂形跡拘。聊且憑化遷。終
返班生廬。

癸卯歲春懷古田舍

先師有遺訓。憂道不憂貧。瞻望邈難逮。轉欲忘長勤。秉耒歡時
務。解顏勸農人。平疇交遠風。良苗亦懷新。雖未量歲功。卽事多
所欣。耕種有時息。行者無間津。日入相與歸。壺漿勞近鄰。長吟
掩柴門。聊爲隴畝民。

庚戌歲九月中於西田獲早稻

人生歸有道。衣食固其端。孰云都不營。而以求自安。開春理常
業。歲功聊可觀。晨出肆微勤。日入負禾還。山中饒霜露。風氣亦
先寒。田家豈不苦。弗獲辭此難。四體誠乃疲。庶無異患干。盥濯
息簷下。斗酒散襟顏。遙遙沮溺心。千載乃相關。但願長如此。躬
耕非所歎。

飲酒

衰榮無定在彼此更共之邵生瓜田中寧似東陵時寒暑有代謝人道每如茲達人解其會逝將不復疑忽與一觴酒日夕歡相持

積善云有報夷叔在西山善惡苟不應何事空立言九十行帶索飢寒况當年不賴固窮節百世誰當傳

道喪向千載人人惜其情有酒不肯飲但願世間名所以貴我身豈不在一生一生復能幾倏如流電驚鼎鼎百年內持此欲何成

結廬在人境而無車馬喧問君何能爾心遠地自偏采菊東籬下悠然見南山山氣日夕佳飛鳥相與還此間有真意欲辯已忘言

秋菊有佳色裊露掇其英汎此忘憂物遠我遺世情一觴雖獨

進杯盡壺自傾日入群動息歸鳥趨林鳴嘯傲東軒下聊復得此生

青松在東園眾草沒竒姿凝霜珍異類卓然見高枝連林人不覺獨樹衆乃竒提壺撫寒柯遠望時復爲吾生夢幻間何事繼塵羈

清晨聞扣門倒裳往自開問子爲誰歟田父有好懷壺漿遠見候疑我與時乖繼縷茅簷下未足爲高樓一世皆尚同願君勿其泥深感父老言稟氣寡所諧紆轡誠可學遠已詎非迷且共歡此飲吾駕不可回

在昔曾遠遊直至東海隅道路迴且長風波阻中塗此行誰使然似爲飢所驅傾身營一飽少許便有餘恐此非名計息駕歸閒居

故人賞我趣挈壺相與至班荆坐松下數斟已復醉父老雜亂

言觴酌失行次不覺知有我安知物爲貴悠悠迷所留酒中有
深味

羲農去我久舉世少復真汲汲曾中叟彌縫使其淳鳳鳥雖不
至禮樂慙得新洙泗輟微響漂流逮狂秦詩書復何罪一朝成
灰塵區區諸老翁爲事誠殷勤如何絕世下六籍無一親終日
馳車走不見所問津若復不快飲空負頭上山但恨多謬誤君
當恕醉人

擬古

榮榮廳下蘭密密堂前柳初與君別時不謂行當久出門萬里
客中道逢嘉友未言心相醉不在接杯酒蘭枯柳亦衰遂令此
言負多謝諸少年相知不忠厚意氣傾人命離隔復何有

東方有一士被服常不完三旬九遇食十年著一冠辛苦無此
比常有好看顏我欲觀其人晨去越河關青松夾路生白雲宿

簷端知我故來意。取琴爲我彈。上絃驚別鶴。下絃操孤鸞。願留
就君住。從今至歲寒。

日暮天無雲。春風扇微和。佳人美酒夜。達曙酣且歌。歌竟長歎
息。持此感人多。皎皎雲間月。灼灼葉中華。豈無一時好。不久當
如何。

少時壯且厲。撫劍獨行遊。誰言行遊近。張掖至幽州。飢食首陽
薇。渴飲易水流。不見相知人。惟見古時丘。路邊兩高墳。伯牙與
莊周。此士難再得。吾行欲何求。

種桑長江邊。三年望當采。枝條始欲茂。忽值山河改。柯葉自摧
折。根株浮滄海。春蠶飢無食。寒衣欲誰待。本不植高原。今日復
何悔。

雜詩

白日淪西河。素月出東嶺。遙遙萬里輝。蕩蕩空中景。風來入房

中衣中枕席冷氣變悟時易不眠知夕未欲言無子和聲杯
孤影日月擲人去有志不獲騁念此懷悲懷終曉不能靜
代耕本非望所禁在田桑躬親未曾替寒餒常糟糠豈期過滿
腹但願飽粳糧御冬足大布籠絺以應陽止爾不能得哀哉亦
可傷人皆盡獲宜拙生失其方理也可柰何且爲陶一觴

詠貧士

萬族各有託孤雲獨無依曖曖空中滅何時見餘暉明霞開宿
霧衆鳥相與飛遲遲出林翮未夕復來歸量力守故轍豈不寒
與飢知音苟不存已矣何所悲

詠荆軻

劉氏曰此憤宋武弒奪欲求荆軻者報焉觀詩首
尾可見晦翁云人謂淵明詩平淡不覺其豪放惟
詠荆軻一篇始見本相非平淡人所能道信矣

燕丹善養士志在報強嬴招集百夫良歲暮得荆卿君子死知
 一從劍出燕京素驥鳴廣陌慷慨送我行雄髮指危冠猛氣衝
 長纒飲饑易水上四座列羣英漸離擊悲筑宋意唱高聲蕭蕭
 衰風逝淡淡寒波生商聲更流涕羽奏壯士驚心知去不歸且
 有後世名登車何時顧飛蓋入秦庭凌厲越萬里逶迤過千城
 圖窮事自至豪主正怔營惜哉劍術疎音功遂不成其人雖已
 沒千載有餘情

讀山海經

孟夏草木長遶屋樹扶疎衆鳥欣有託吾亦愛吾廬既耕亦已
 種時還讀我書窮巷隔深轍頗回故人車歡言酌春酒摘我園
 中蔬微雨從東來好風與之俱汎覽周王傳流觀山海圖俯仰
 終宇宙不樂復何如

桃源詩

胤氏亂天紀。賢者避其世。黃綺之商山。伊尹亦云逝。往迹寔復
湮。來逕遂蕪廢。相命肆農耕。日入從所憇。桑竹垂陰蔭。菽稷隨
時藝。春蠶收長絲。秋熟靡王稅。荒路暖交通。鷄犬互鳴吠。俎豆
猶古法。衣裳無新制。童孺縱行歌。班白歡游詣。草榮識節和。木
衰知風厲。雖無紀曆誌。四時自成歲。怡然有餘樂。于何勞智慧。
奇踪隱五百。一朝啟神界。淳薄既異源。旋復還幽蔽。借問遊方
士。焉測塵囂外。願言躡輕風。高舉尋吾契。

九日閑居 有序

予閑居愛重九之名。秋菊盈園而持醪靡由。空服
九華。寄懷於言。

世短意恒多。斯人樂久生。日月依辰至。舉俗愛其名。露漙暄風
息。氣澈天象明。往燕無遺影。來鴈有餘聲。酒能祛百慮。菊爲制
頽齡。如何蓬廬士。空視時運傾。塵爵耻虛曩。寒華徒自榮。歛襟

獨閒謠緬焉起深情棲遲固多娛淹留豈無成

鄰里相送至方山

宋謝靈運

方山今在江寧縣東五十里

祇役出皇邑指期憩甌越解纜及流潮懷舊未能發析析就衰
林皎皎明秋月含情易爲盈遇物難可歇積疴謝生慮寡欲罕
所闕資此末幽棲豈伊年歲別各勉日新志音塵慰寂茂

酬從弟惠連

分離別西川迴景歸東山別時悲已甚別後情更延傾想遲嘉
音果枉濟江篇辛勤風波事歎由洲渚言

石壁精舍還湖中作

昏旦變氣候山水含清暉清暉能娛人遊子澹忘歸山谷日尚
早入舟陽已微林壑歛暝色雲霞收夕霏交荷迭映蔚蒲稗相
因依披拂趨南徑愉悅偃東扉虛淡物自輕意愜理無違寄言

攝生客試用此道推

王撫軍庚西陽集別

謝宣遠

抵召旋北京守官反南服
方舟析舊知對筵曠明牧
舉觴矜飲餞指塗念出宿
來晨不定端別畧有成速
頽陽照通津夕陰曖平
陸榜人理行艫輔軒命
歸僕分手東城闔發擢
西江澳離會雖相親逝
川豈往復誰謂情可書
盡言非尺牘

西陵遇風獻康樂

謝惠連

靡靡卽長路戚戚抱遙悲
悲遙但自弭路長當語誰
行行道轉遠去去情彌遲
昨發浦陽浦今宿浙江湄

擣衣

衡紀無淹度晷運倏如催
白露滋園菊秋風落庭槐
肅肅莎雞羽列列寒螿啼
夕陽結空幕宵月皓中閨
美人戒裳服端飾相招攜
簪玉出北房鳴金步南階
欄高砧響發楹長杵聲哀
微芳

起兩袖輕汗染雙題
紉素旣已成君子行
未歸裁用笥中刀
縫爲萬里衣盈篋自
余手幽緘候君開腰
帶準疇昔不知今是非

五君詠

顏延年

阮步兵

阮公雖淪跡識密鑿亦洞
沉醉似埋照寓辭類託
諷長嘯若懷人越禮自
驚衆物故不可論途窮
能無慟

嵇中散

中散不偶世本自餐霞
人形解驗默仙吐論知
疑神立俗迂流議尋山
冷隱淪鸞翮有時斂龍
性誰能馴

劉參軍

劉伶善閉關懷情痲聞
見鼓鍾不足歡榮色豈
能眩譎精日沉飲誰知
非荒宴頌酒雖短章深
衷自此見

阮始平

仲容青雲器實冀生民秀達音何用深識微在金奏郭奔已心
醉山公非虛覲屢薦不入官一麾乃出守

向常侍

向秀甘淡薄深心託毫素探道好淵玄觀書鄙章句交呂旣鴻
軒攀嵇亦鳳舉流連河裏遊惻愴山陽賦

效古

袁陽源

陽源名淑元凶劭將弒逆切諫被害後贈侍中太

尉謚忠憲

訊此倦遊士本家自遼東昔隸李將軍十載事西戎結車高關
下極望見雲中四面各千里從橫起嚴風寒燠豈如節霜雨多
異同夕寐北河陰夢還甘泉宮勤役未云已壯年徒爲空乃知
古時人所以悲轉蓬

擬古

鮑明遠

幽并重騎射少年好馳逐
鮮帶佩雙鞬象弧插雕服
獸肥春草短飛控越平陸
朝遊鴈門上暮還樓煩宿
石梁有餘勁驚雀無全目
漢虜方未和邊城屢翻覆
留我一白羽將以分虎行

甞使下都至京贈西府同僚

齊謝玄暉

曾氏曰此詩詞實典麗意亦委折而氣則溢也

大江流日夜客心悲未央
徒念關山近終知返路長
秋河曙耿耿寒渚夜蒼蒼
引領見京室宮雉正相望
金波麗鳩鵲玉繩低建章
驅車鼎門外思見昭丘陽
馳暉不可接何況隔兩鄉
風雲有鳥路江漢限無梁
常恐鷹隼擊時菊委嚴霜
寄言罽羅者寥廓已高翔

晚登三山還望京縣

瀟灑望長安河陽視京縣
白日麗飛甍參差皆可見
餘霞散成綺澄江靜如練
喧鳥覆春洲雜英滿芳甸
去矣方滯淫懷哉罷

懽宴佳期悵何許淚下如流霰有情知望鄉誰能鬢不變

別范安成

梁沈休文

劉氏曰老年相別故感念顧慮之情有不容已焉
平生少年日分手易前期及爾同衰暮非復別離時勿言一罇
酒明日難重持夢中不識路何以慰相思

雜體

江文通

曾氏曰詩自靈運已後氣日益漓下至玄暉漸致
巧麗以胚晚唐之風休文輩又多靡淺而文通獨
欲追魏晉諸公逸駕其志似亦可尚然古作體製
至此極已寄之卷終識者必有感焉

劉太守傷亂

皇晉遘陽九天下橫氛霧秦趙值薄蝕幽拜逢虎據伊余荷寵
靈感激徇馳驚雖無六奇術冀與張韓遇窳戚扣角歌桓公遭

乃舉荀息冒險難實以忠貞故空令日月逝愧無古人度飲馬
出城濠北望沙漠路千里何蕭條白日隱寒樹投杖旣憤懣撫
枕懷百慮功名惜未立玄髮已改素時哉苟有會治亂惟冥數

陶徵君田居

種苗在東臯。苗生滿阡陌。雖有荷鋤倦。濁酒聊自適。日暮巾柴
車。路闇光已夕。歸人望煙火。稚子候檐隙。問君亦何爲。百年會
有役。但願桑麻成。蚕月得紡績。素心正如此。開徑望三益。